

## per persunas d'instrucziun, mainasculas e cussagls da scoula



Nr. 2 2022/23

### Part generala

#### Rapport evaluaziun SSI

Daspö mità gün 2022 es il rapport da l'evaluaziun da la scoula speciala integrativa (SSI) accessibel pel public. I vala la paina da sfögljar il rapport. Las cugnuschentschas dal rapport dessan sustgnair a las persunas involucadas per sviluppar inavant la qualità da l'ISS.

[SSI in Grischun es etablida bain](#)



#### Infos in cas d'interrupziuns da la rait

Pervi da la crisa d'energia actuala nu pon gnir exclusas eir in Grischun interrupziuns da la rait a cuorta vista eir be per singulas uras dūrant l'inviern. Causa quista situaziun metta l'USS/AVS a disposiziun sūlla pagina d'internet las infuormaziuns las plü importantas areguard la gestiun da scoula. L'uffizi racumonda als portaders da scoula d'inviar masūras correspondentas in cas cha la rait vess da gnir interruotta.

[Infuormaziuns in cas d'interrupziuns da la rait](#)



#### La luna nel baule

Ill'età dad 80 ons decida Jolanda Giovanoli da Stampa da confidar l'istorgia da sia vita a Daniele Dell'Agnola. L'istorgia "La luna nel baule" (La glüna i'l arcun) as demuossa sco punt tanter il passà e l'avegnir e descriva la vita da quatter generaziuns d'una famiglia da la Bergiaglia. Grazcha a l'agüda da Chasper Pult ed Anna-Alice Dazzi Gross es il text gnü tradüt in tudais-ch ed in rumantsch. Per l'adöver ill'instrucziun sun avant man in tuot ot sequenzas cun differents temas, üna part per talian sco prüma lingua ed üna part per talian sco lingua estra. Grazcha a la collavuraziun culla Scoul'ota da pedagogia dal Grischun pon

ils dossiers gnir telechargiats in fuorma digitala.

[Cuors tematics](#)



[Ulteriuras infuormaziuns, postaziun da cudeschs](#)



#### Fügia e migraziun ill'instrucziun

Fügitivs e migraziun han üna pruna fatschettas. La stanza da scoula es ün lö important per reflectar ed elavurar il tema integraziun. La nouva pagina d'internet migrationsgeschichte.ch da las scoulas otas da pedagogia dals chantuns Turich e Grischun spordscha cugnuschentschas da basa fundadas ed actualas. Plünavant spordscha quella per persunas d'instrucziun eir sequenzas d'instrucziun fingià preparadas chi pussibilteschon il discuors davart evenimaints mundials actuals, davart la fügia e la migraziun.

[Ulteriuras infuormaziuns](#)



#### Material d'instrucziun movimaint e sport

La fin da settember es cumparü il nouv mez d'instrucziun 'Movimaint e sport' per la 1.-9. classa. El cuntegna üna glista da check ed üna collecziun d'exercizis e da gös per accumplir las competenzas tenor il PI21 GR, e quai per mincha ciclus. Insembel cul mez d'instrucziun 'Sport in scoulina' (de ed it) stan uossa a disposiziun per tuot las persunas d'instrucziun da sport e per mincha classa elemaints d'imprender per accumplir las competenzas tenor PI21 GR. In favrer ed avuost 2023 han lö cuors d'introducziun virtuals. Las participantas ed ils participants survegnan infra 60 minutas las infuormaziuns las plü importantas da prüma man.

[Documainta sport in scoula cun links](#)



[Datas cuors virtuals](#)



## Nouv stüdi da master sec I

In settember ha la regenza dal chantun Grischun acconsenti ün ulteriur stüdi da master s-chalin secundar I per persunas d'instrucziun dal s-chalin primar (s-chalin supplementar) chi cumainza in settember 2023. La realisaziun succeda danö-vmaing in cooperaziun culla SAPSG, ils moduls han lö principalmang a Cuaira. Persunas d'instrucziun interessadas dal s-chalin primar chattan ulteriuras infuormaziuns davart il stüdi planisà sülla pagina d'internet da la SAPGR. Ils 23 november 2022 ed ils 15 favrer 2023 han lö duos occurrenzas d'infuormaziun. Ils detagls sun eir da chattar sülla pagina d'internet da la SAPGR.

Ulteriuras infuormaziuns davart il stüdi



## Concurrenza da pitturar per classas da scoula primara

Dals 23 fin ils 29 schner 2023 ha lö il champiunadi europeic da biatlon a Lai. Scholaras e scholars pon d'vantar üna part da quist'occurrenza. Al comitè d'organisaziun da Lai es gnü adimaint alch tuot special: Tuot las classas primaras dal Grischun han la pussibilità da s'partecipar ad ün'occurrenza creativa. I va per concepir ils nomers da partenza da las atletas e dals atlets. A la fantasia nu sun miss ingüns cunfins. Üna giuria valütarà ils purtrets, davo vain il meglder sböz prodüt sco muostra pel nomer da partenza. Tuot las atletas ed ils atlets cumbattan d'ürant ün di pel titel da champiun europeic cul design dal victur. Il proget po gnir telechargià da la pagina d'internet da l'arena da biatlon. La victura o il victur das-cha – insembel cun sia classa da scoula – as partecipar a la concurrenza sco giast d'onur.

Infuormaziuns, mustras, cundiziuns per partecipar



## Scoula sül bain pauril grischun

'Scoula sün il bain pauril' ed 'Agricoltura fa scoula' spordscha a scholaras ed als scholars la pussibilità d'imprender a cugnuscher l'agricultura. Temas sco la natüra, la biodiversità, la producziun da mangiativas ed il consüm sun hozindi inevitabels. Il PI21 pussibiltescha dad integrar inputs pratics ed experienzas fattas in e dadour la stanza da classa. Saja quai la classa sül bain pauril, obain la paura o il paur in stanza da scoula. Daspö quist on lantschescha l'Uniuon paurila grischuna il proget da nouv. Il böt es d'entrar plü ferm süls bsögns tant da las persunas d'instrucziun sco eir dals offerents e da crear üna sporta attractiva ed instructiva per tuot las persunas partecipadas.

Contact/infos: Sina Rellstab, s.rellstab@bbv.gr.ch



## Adöver da datas i'l sector da fuormaziun

Educa maina daspö il principi da lügl 2022 ün post da consultaziun per dumondas davart l'adöver e la protecziun da datas. La sporta as drizza specialmang a mainascoulas e persunas d'administraziun da fuormaziun da la scoula populara e dal s-chalin secundar II. Dumondas tecnicas, giuridicas ed eticas vegnan respuas, per exaimpel per arcunar datas illa cloud, per dar inavant datas da persunas o per trattar il BYOD in scoula.

Post da consultaziun dad EDUCA



## Lottaria da chapütschas Pylonis

Ils buttatschs striblats orandsch ed alb dals Pylonis as vezza fingià sün distanza – e quai per buns motivs! Ils Pylonis avertischian ad uffants da privels e muossan co chi s'es sgür sün via. Cun ün pa furtüna as poja guadagnar da quistas chapütschas da Pylonis chodas e reflectantas per tuot la classa. La partecipaziun a la concurrenza es pussibla fin ils 30 november 2022.

Formular lottaria chapütschas da Pylonis



## Fögl d'infuormaziun per dar ajer

In vista a la stagiun d'inviern as sto far quint cun ün augmoint d'infeziuns da COVID. L'uffizi da sandà ha publichà ün fögl d'infuormaziun davart il tema 'Co dar ajer correctamang'.

Fögl d'infuormaziun e cugnuschentschas scientificas



## Inscunter in connex cun movimaint e sport

A l'inscunter da rait da marcurdi davomezdi, ils 18 schner 2023 a Cuaira, vegnan preschantadas las novitats i'l sector da movimaint e sport sco eir las sportas da graubündenSport e da l'uffizi da sandà. Pro differents stands as poja ramassar las infuormaziuns gjavüschadas e sclerir dumondas avertas.

Ulteriuras infuormaziuns



Cordials salüds

Chantal Marti-Müller  
Manadra USS

Andrea Caviezel  
Manader inspectorat da scoula

## Part regionala

### Accent tematic 2022/23

Nos accent tradiziunal da quist on da scoula es dedichà a la tematica 'Valütar'. In nos barat dals 29 marz 2023 a Zernez approfondina la funcziun da las valütaziuns ill'instrucziun, la tenuta da basa, puncts da referenza per la valütaziun, agüds per valütar e fuormas da valütar. Quist barat ingio chi vegnan invidadas duos persunas d'instrucziun da mincha lö da scoula dess pussibilitar ün imprender ün da tschel. Las partecipantas / ils partecipants dal davomezdi rapportan las cugnuschentschas dal barat aint in lur teams. Cun ün in-gaschamaint minimal laina ragiundscher ün profit maximal per mincha team da scoula.

## Termins

Data	Occurrenza	Adressats
27-01-2023	Assegnaziun provisorica	6. cl./1 R
27-01-2023	Attestat da semester	Tuots
15-02-2023	Cussagliaziun INSULA	MS
22-02-2023	Cussagliaziun INSULA	MS
29-03-2023	Accent tematic 2022/23: Valütaziun ill'instrucziun	Tuots
12-04-2023	Assegnaziun definitiva	6. cl./1 R
30/31-05-2023	Examen da recuors	6. cl./1 R
07-06-2023	Barat regional a Zernez in connex cull'EVA dal rom ERC	PI primara Tuots MS

*Cordials salüds*

*Inspectorat districtual Engiadina-Val Müstair-Samignun  
Bettina Salutt, Urs Kühne, Curdin Lansel*



